



Sarajevo, 16.03.2022.

**PREDSTAVNIČKI DOM  
PARLAMENTARNE SKUPŠTINE  
BOSNE I HERCEGOVINE**  
n/r predsjedavajućeg

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO  
16-03-2022

PRIMLJENO:	Redni broj	Broj priloga
Organizaciona jedinica	Klasifikaciona oznaka	
01	50-1-15-28/22	

14 20

U skladu s članom 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15 i 97/15, 78/19, 26/20) postavljam sljedeće

### POSLANIČKO PITANJE

1. Da li namjeravate predložiti donošenje odluke Vijeća Ministara Bosne i Hercegovine u skladu sa Članom 57. Zakona o azilu u Bosni i Hercegovini kao instrumentom privremene zaštite u slučaju masovnog priliva izbjeglica iz Ukrajine ?

#### Obrazloženje:

Ukrajina je od 24. februara pod vojnom invazijom Rusije koja je prouzrokovala smrt desetine hiljada ljudi, a preko milion izbjeglica je primorano da napusti svoje domove i da spas potraži van granica Ukrajine. I u Bosnu i Hercegovinu ukrajinske izbjeglice su već počele dolaziti, a sa 15.03.2022. na osnovu informacija Ureda za strance, oko 300 izbjeglica je već prisutno, a najavljena su i dva autobusa čiji se dolazak u BiH očekuje već danas. Zbog popunjenih kapaciteta u zemljama koje graniče sa Ukrajinom, uskoro se u BiH očekuje masovni priliv izbjeglica i to pretežno žena i djece, obzirom da je muškarcima između 18 i 60 godina zabranjen izlazak iz Ukrajine.

Aktiviranjem i implementacijom Člana 57. Zakona o azilu u BiH će se kao instrument privremene zaštite, u slučaju masovnog priliva izbjeglica iz Ukrajine, omogućiti zbrinjavanje izbjeglica iz Ukrajine i omogućiti će im se dostojan život u BiH.

Ova mjera je predviđena kao mehanizam koji se koristi u izuzetnim situacijama masovnog priliva, a koje se karakterišu kao vanredne situacije u sistemu azila i migracija. Evropska komisija je dala prijedlog 02.03.2022., da se u zemljama EU aktivira primjena Direktive 2001/55/EU o minimalnim standardima za dodjelu privremene zaštite u slučaju masovnog priliva raseljenih lica i o mjerama za podsticanje uravnoteženih napora država članica pri prihvatu. Sjeverna Makedonija je aktivirala ovaj mehanizam istog dana kad je bio predložen u EU, a Crna Gora je donijela odluku o usvajanju 10.03.2022.

Podsjećam na Član 57, stav 1. Zakona o azilu u BiH:

*(1) Vijeće ministara BiH, na prijedlog Ministarstva, u slučaju masovnog priliva stranaca kojima je potrebna zaštita, donosi odluku kojom se osigurava privremena zaštita tih lica. Prilikom sačinjavanja prijedloga odluke kojom se osigurava privremena zaštita Ministarstvo obavlja konsultacije s UNCHR-om i ostalim relevantnim međunarodnim organizacijama u BiH.*

**Pitanje postavljam ministrici civilnih poslova Bosne i Hercegovine**

*Odgovor tražim u pisanoj formi, u skladu s članom 171. Poslovnika Predstavničkog doma Parlamentarne skupštine BiH.*

Poslanik SDP BiH  
Saša Magazinović

